

licet etiam dicant non posse vovere, quia non habent velle aut nolle, id solum confirmant ex legibus canoniciis, ut Panorm., in cap. ult. de Voto, n. 3, et alii supra allegati. Denique idem docui in d. lib. 6 de Voto, c. 7. Et quoad obligationem civilem videtur per se clara, quia ipsamet civilis obligatio quoad institutionem et substantiam suam (ut sic dicam) est de jure humano; unde incapacitas illius ejusdem est juris. De naturali autem obligatione suaderi potest, quia traditio religiosa cum voto obedientiae non irritat vota vel alias naturales obligationes religiosorum ipso facto ex jure naturae. Ergo nec faciunt illa directe irritabili ex natura sua. Antecedens probatur, quia juxta veram sententiam, traditam lib. 3 de Voto, c. 5, nunc talia vota sunt valida, et obligant donec irritentur; ergo non irritantur ipso facto jure naturae. Nec in hoc a nobis dissentiant, qui putant talia vota a principio esse invalida; nam ipsi etiam hoc referunt in humanam institutionem, ut dixi. Consequentia vero probatur, quia, licet aliud sit irritare quam infirmare ipso facto obligationem, non est tamen major ratio ad unum quam ad aliud asserendum. Primo, quia non habet unum maiorem connexionem intrinsecam cum professione religiosa, quam aliud.

15. Secundo, quia utrumque provenire debet ex potestate quasi dominativa, quam ex natura rei acquirit Praelatus religionis supra ipsam voluntatem religiosi, et actus ejus. Unde, si homo sua privata voluntate potest alteri illam subjecere et donare, ut quidquid ipse postea velit facere vel promittere, possit alius irritare, ea ratione poterit illam alteri tradere, ut quidquid obligationis sibi impone intentet sine Praelati obligatione, sit irritum et inane. Et consequenter, dicendum esset talem esse traditionem religiosam, quia revera erit magis perfecta, et religiosus intendit illam facere perfectam, quantum ex natura rei potest. Multo ergo verisimilius videtur, neutro modo fieri posse ut homo ratione utens se privet potestate se obligandi firmiter ad ea quae juste et honeste facere potest, solo suo arbitrio et auctoritate se privando dominio suae voluntatis quoad hanc partem, et illud in aliud transferendo; quando ergo religiose fit, sine adminiculo et favore legis ecclesiasticae non fit. Antecedens non potest evidenter probari (quantum ego assequor); est autem per se verisimillimum, quia res est gravissima et valde praeternaturalis, et exposita multis litibus et fraudibus,

nisi auctoritate publica roboretur. Et ita vide mus nec in civilibus, nec in ecclesiasticis introductum, invenire tale genus dependentiae unius voluntatis personae jam utentis ratione ab alia, sine Reipublicae vel Ecclesiæ auctoritate, ut constat in civilibus de voluntate minoris filii respectu parentis, vel pupilli respectu tutoris; et in spiritualibus in abrennunciatione voluntatis, de qua tractamus; semper enim ab auctoritate Ecclesiæ ejusque approbatione pendet.

16. Dices: ubi sunt ecclesiastica jura, in quibus hic effectus fundetur seu instituatur? Item, si hic effectus non sequitur ex natura rei ex efficacia voluntatis propriæ personæ se alteri tradentis, non videtur Summum Pontificem illum introducere posse, seu instituere; quod si Pontifex non potest, non est in Ecclesia talis potestas, ut per se patet. Antecedens liquet, quia Pontifex non habet potestatem irridandi fidelium vota (ut suppono); ergo per solam potestatem jurisdictionis non potest talem irritationem introducere, infrmando vota religiosorum, vel eorum voluntatem, quoad hanc partem, inhabilitando. Denique retorquemus argumentum supra factum; quia, si Ecclesiæ institutione factum est ut professio religiosa hunc habeat effectum, etiam potuisse instituere ut voluntas religiosi non esset capax illius obligationis naturalis, etiam irritabilis, sed ut ipso facto esset irrita; unde ergo constat hoc potius quam illud instituisse? Cum igitur hoc ostendi non possit, neutrum illi est tribuendum, cum probabilius credamus non omnes obligationes religiosorum ipso facto irritasse.

17. *Videtur jura civilia.* — Ad satisfaciendum primæ interrogationi, aliqui allegant c. Monach., 20, q. 4, sed illud caput parum probat, ut notavi in lib. 3 de Voto, c. 5. Alii præcipue fundant hunc effectum in illa regula Canonum, quod *religiosus non habet velle nec nolle*; utique in quo a Praelato non pendeat, ut subjungitur, et tacite exponitur in d. c. *Si religiosus*, et indicatur in d. c. *Non dicatis*. Alii ntuntur æquiparatione servi, qui, licet possit naturaliter obligari, non tamen ita firmiter quin possit dominus ejus obligationem irritare. Hoc tamen non est certum; si tamen verum est, satis est commoda æquiparatio. Addi etiam potest modum et effectum religiosæ professionis nunquam fuisse in Ecclesia sine aliqua ejus approbatione et confirmatione; per quam etiam huic modo contrahendi inter religiosum et religionem, vel Praelatum,

dat robur et auctoritatem, sine qua efficaciam non fuisset; et ita hoc Ecclesiasticum jus seu institutio ejusdem Ecclesiæ traditione sufficienter ostenditur.

18. Ad secundum respondemus, negando consequentiam; nam etiam Pontifex non potest irritare matrimonium factum, et tamen antecedenter potest conditions tradere, sine quibus matrimonium irritum sit. Idemque invenitur in professione religiosa, et in aliquibus votis simplicibus. Ratio vero est, quia difficultius dissolvitur vinculum semel factum et validum, quam impeditur ne fiat. Item, quia irritatio voti jam facti non est actus propriæ jurisdictionis, sed dominii, seu juris paterni. At vero modum contrahendi determinare, et gradum etiam obligationis vel acquisitionis dominii praescribere, est actus jurisdictionis et superioris potestatis, quæ in hoc particulari effectu, non est cur Ecclesiæ deneretur.

19. Unde ad tertium fatemur habere Pontificem potestatem approbandi institutum religiosum, in quo ex vi professionis impedian tur voluntates religiosorum, ut valide se obligare, aut vovere possint, sintque talia vota non solum infirma, sed etiam irrita. Nihilominus tamen non credimus id fecisse, quia canones id non declarant, et suavius explicant ac sufficienter de irritabilitate obligationis, potius quam de irritatione. Item, quia communis usus et consensus religionum ita explicat hunc effectum. Item, quia illa irritatio esset nimia, et (ut sic dicam) inhumana subjectio, statui religioso minime necessaria, imo neque conveniens; altera vero moderatione est, ut illi statui convenientissima. Unde potest argumentum illud retorqueri. Nam si hic effectus est quasi naturalis, ex vi traditionis fieret in summo gradu, seu quantum possibilis est; quia causæ naturales agunt quantum possunt, et quia voluntates privatrum personarum in hoc non discernunt, sed se tradunt, quantum possunt, simpliciter et absolute, si hoc non pendet ab institutione et approbatione Ecclesiæ. Unde quia hic effectus ab institutione et approbatione Ecclesiæ fit, habet locum discretio; et ideo non cum summo rigore, sed cum convenienti moderatione hanc efficacitatem instituit, et professioni religiosas tribuit.

20. *Assertio secunda: dicta vis et solemnitas nunquam fuit ab Ecclesia attributa soli voto obedientiae, aut soli traditioni per se sumptis, sed principaliter voto.* — Dico secundo: Una tantum superest difficultas, quia invenitur votum obedientiae traditioni religiosæ conjunctum, et eamdem habens efficacitatem ita subordinandi voluntatem voventis praelato, ut sine illius consensu non possit firmiter obligari, et nihilominus non est votum soleme obedientiae; ergo istius voti solemnitas non in illa proprietate consistit. Antecedens ex voto obedientiae scholarium et coadjutorum Societatis Jesu verificatur, ut nunc suppono. Consequentia vero nota videtur, quia non potest forma inesse alicui, quin illum formaliter denominet. Ergo si illa est proprietas et solemnitas voti obedientiae, omne votum illam ha-

bens erit solemne; et e contrario, si aliquod votum obedientiae, illam proprietatem habens, non est solemne, signum clarum est non esse illam voti hujus solemnitatem. Hæc autem difficultas jam in superioribus est in similibus expedita; concludit enim totam solemnitatem hujus voti non consistere in sola proprietate jam dicta, nude et præcise sumpta; sed includere vel supponere traditionem absolute perpetuam cum vinculo et obligatione irrevocabili ex utraque parte, utique religiosi et religionis, ita ut illa proprietas vel sit talis forma quæ non det voto illam denominationem solemnis, nisi perpetuum sit, nec ipsa sit solemnis, nisi in ordine ad illud. Sicut curvitas non est simitas, nec dat illam denominationem, nisi tali materiae, scilicet, naso; et effigies monetæ non dat illam denominationem, nec valorem, nisi tali materiae, verbi gratia, argento. Vel certe, ut solemnis hujus voti non sit tota hujus voti solemnis, sed consummet seu integrat illam simul cum absoluta voti perpetuitate. Vel denique, quia quando supponitur traditio utrinque irrevocabilis, votum etiam habet efficaciam ad introducendam incapacitatem perpetuam, votum autem simplex Societatis non inducit illam absolute perpetuam, et ideo non est moraliter ita efficax, ideoque non est solemne, sicut in aliis declaratum est. Ubi etiam est ostensum, quomodo talis perpetuitas ex usu canonum, et communis modo sentiendi ad substantialem solemnitatem voti necessaria sit.

22. *An præter tria vota sint alia substantialiter solemnia.*—Hic vero restabat quæstio, an præter hæc vota sint alia solemnia propria et peculiari solemnitate substantiali. In quo habemus generalem doctrinam D. Thomæ 2. 2, q. 88, art. 7, ad 2 et 3, dicentis, non omnia vota esse apta ut solemnizentur; nam temporalia vota, et particularia, quæ sunt de particularibus actibus, ut votum peregrinationis, vel similia, non solemnizantur, sed illa tantum quæ perpetua sunt, et quodammodo universalia; quia per illa totaliter se homo subjicit divino obsequio. Et rationem reddit, quia solemnis non solet adhiberi, nisi mutationi seu assumptioni status, vel simili mutationi stabili ac perpetuae, quæ doctrina intelligenda est de solemnitate substantiali, ut ipse indicat in solutione ad 3. Nam accidentalis et externa aliis etiam contractibus, et votis etiam simplicibus adhiberi potest, et interdum ita fit, ut in superioribus

tactum est. Juxta vero communem et antiquum Ecclesiæ morem, et ordinarium jus, sola illa tria vota solemnizari consueverunt. Et ita dixit Durand., in 4, dist. 38, q. 4, num. 8, vota solemnia tantum esse circa illas tres materias, nempe castitatis, paupertatis et obedientiae; et ita loquuntur alii antiqui, sed intelligendi sunt de facto, et pro suis temporibus, non de possibili. Sicut etiam (quod notandum est) solum votum castitatis clericorum in sacris solet separatum ab aliis solemnizari, quia ejus solemnitas minor quodammodo magisque accidentaria censemur. At vero reliqua tria vota religionis non tantum sola ipsa solemnizari consueverunt, sed etiam non solemnizantur, nisi simul; nec potest unum sine aliis solemnizari secundum ordinarium jus, quia nullum illorum solemnizatur, nisi in professione religiosa; professio autem religiosa sine tribus votis valida esse non potest. Et hoc est novum et optimum signum, quod tota hæc solemnis sit ex Ecclesiæ institutione; nam sine dubitatione potuisse unum illorum votorum, praesertim castitatis, sine aliis solemnizari, non solum in sacri ordinis susceptione, sed etiam in aliis vivendi modis suo modo perpetuis, et stabilibus, si Ecclesia ita instituere et approbare voluisse. Quid enim impedit, aut quæ repugnantia in ea re cogitari potest? Certe nulla. Et fortasse aliquando ita usitatum fuit, ut postea videbimus. Simili ergo modo, licet tantum illa tria vota usque ad nostra tempora solemnizari consueverint, quia illa sola ad religiosum statum constituendum sufficiunt, nihilominus non repugnat alia solemnizari. Et in religione Patrum Sancti-Francisci-de-Paula, Minimorum appellata, additur in professione quartum votum perpetuae abstinentie quadragesimalis, quod solemne esse indicatur, cum quartum votum appellatur. Et ita illud appellant Palacios, in 4, dist. 38, disp. 2; et Azor, d. lib. 12, c. 6, q. ult. Hoc autem posito, in quo ejus solemnis consistat, illius instituti professores melius explicabunt. In professione item solemni, quæ in Societate fit, quartum votum specialis obedientiae ad Summum Pontificem in missionibus acceptandis et obeundis additur; quod votum tam in Constitutionibus Societatis, quam in Bullis Pontificiis solemne appellatur. In quo autem ejus solemnis consistat, illud institutum explicando tractabimus.

CAPUT XIV.

UTRUM SOLEMNITAS PROPRIA TRIUM VOTORUM ESSENTIALIUM SIT ETIAM DE SUBSTANTIA ET ESSENTIA RELIGIOSI STATUS.

1. *Usque ad tempora nostra, fuit multorum opinio, sine votis solemnibus non posse consistere religiosum statum.* — *Explicandus D. Thomas, et dicendum, esse locutum de facto, non de possibili.* — Hanc quæstionem simplici assertione superius in c. 6 hujus libri, ad finem, definitivimus; quia vero illam radiciter explicare et probare, non intellecta trium votorum solemnitate, non poteramus, ideo circa illius declarationem in præcedentibus capitibus, et ipsis nondum explicatis, cum aliqua fortasse præmatura anticipatione, necessitate coacti, immorati sumus; ideoque ad illam examinandam et probandam nunc reverti necesse est. Nam usque ad tempora nostra, et Gregorii XIII, Pontificis Maximi, multorum opinio fuit, sine illis tribus votis solemnibus, proprie et substantialiter statum religiosum subsistere non posse, ac subinde illam solemnitatem esse de essentia religiosi status; sub essentia nunc comprehendendo quidquid ad illius status constitutionem simpliciter necessarium est. Soletque hæc opinio tribui D. Thomæ 2. 2, q. 184, art. 5, qui locus non cogit, ut jam vidimus; citatur etiam in q. 189, art. 2, ad 4, ubi ait, *duplex esse votum religionis: unum solemne, quod hominem facit monachum, vel religiosum; aliud simplex, quo non fit alius monachus vel religiosus, sed solum obligatur ad religionis ingressum.* Qui etiam locus non omnino cogit, quia non loquitur D. Thomas de omni voto simplici, sed de illo quo de futuro promittitur religionis ingressus, de quo clarum est non posse religiosum constituere, sicut votum castitatis non facit castum; nec etiam dicit votum solemne esse necessarium ad religiosum constituendum, sed solum dicit per vota solemnia fieri hominem religiosum; unde non sequitur aliter fieri non posse. In hoc autem videatur favere D. Thomas, quod tantum illa duo membra distinguit, et ita non agnoscit tertium genus votorum, quæ solemnia non sint, nec tantum simplex de futuro statu, sed simplicia constituentia religiosum. Dici tamen potest, D. Thomam illa omisisse, quia suo tempore non erant in usu, et quæstionem de possibili non disputabat. Allegari etiam solet

3. Fundamentum primum hujus sententiæ esse potest idem fere quod a prædictis auctoribus insinuatur, quia status religionis non constituitur, nisi per tria vota substantialia in professione religiosa facta; sed talia vota sunt solemnia; ergo ille status non constitui-